

中三教大聖靈應真經

中喻自外入內金來歸性之功也三教喻養性見性復性之道與前三教合取一義大聖比大還靈卽一粒靈丹應比內外相應真經者金液也

李佑帝君開經讚

醍醐灌頂味醞香醴法臺掃淨花雨彌空白雲開嶂出晴空
滿院和風送望三尊聖德容

當頭一偈已見此經皆言金液大還之旨茲不必註

洞玄至人張仙翁經傳靈應下蒼穹道有三聖位居中先倡後
隨聲教隆一尊鄒嶧兖州東一尊潮音落迦峯一尊關令啟玄

道藏輯要

三丰全集

靈應真經

七

續畢集十

風道行華夏及胡戎中三聖人降天宮恩波浩浩澤溶溶集義
爲氣精神充至剛至大誰陶鎔尋聲赴感慈悲洪救苦救難蘇
塵蒙文始先生如游龍領袖羣真參化功三聖靈光間氣鍾亦
因學養足三冬大人尙志飭儒躬居仁由義出羣雍普陀念道
抱孤衷十魔九難證圓通石樓山上雲霞封苦志精修神丹紅
拔宅齊昇直上冲至今明月照蘿松

靈應真經祖師下蒼穹傳與人間何殊甘露下降也三聖雖
殊總一復性之道總一守中之理故皆位乎中焉先倡後隨
者前三聖倡之中三聖隨之有如金丹倡於前金液隨於後
也參同云卒得金華轉而相因化爲白液凝而至堅又曰金

華先倡解化爲水金華者先天一氣而已功夫到此聲教愈
隆當其先三聖之出處各有不同然皆是乾金之體鍾靈毓
秀下降天宮恩佑世人此亦如金丹入鼎與乾交合之後渡
鵲橋上崑山旋化爲一盞醞醐灌頂門而下鵲橋歸黃房而
結靈丹也浩浩溶溶實形美液之狀此丹也乃是集義而生
義屬金至大至剛天地不能陶鑄又復尋聲而至至比還救
苦救難甘露遍洒塵迷他日被頂而出矯若游龍可參造化
之功也靈光如此無非自修持養育得來亞聖之尙志慈航
之煉道石樓之修丹皆同此也

吾願人間盡恪恭仰瞻功德如高松若聞二聖誕期逢茗香馥
道藏輯要

三丰全集 靈應真經

六 續畢集十
八〇文

郁水花濃默誦真經蕩滌習如沾聖惠睹真容儼然入廟調笙
鏞儼然入寺諸鼓鍾池上遍浮聽敲筒雲間鳳舞和絲桐法駕
青鸞白鶴從有感卽應慶重重

金液之生祖師願人敬重之此箇誕期是比金液生時茗香
馥郁水花濃比其香如酥甘如蜜也盪滌習襟始沾金液之
惠結成靈質如睹金光之容此等道味非凡人所得嘗也陳
上陽真人云刀圭入口運已真火以養之運火之際忽覺夾
脊真氣上冲泥丸漉漉然有聲似有物觸上腦中須臾如雀
卵顆顆自腭下重樓如水酥香甜甘美無比覺有此狀乃驗
得金液還丹徐徐咽歸丹田自此而後常常不絕閉目內觀

臟腑歷歷如照燭漸次有金光罩體也至於笙鏞以調之鐘鼓以樂之正金公與青娥相見時也敲竹喚龜龜聽我喚鼓琴招鳳凰受彼招此卽悟真篇之旨也青鸞喻龍之強氣白鶴喻虎之強氣龍吞虎啗內外藥凝有感卽應聲氣相通也此言金液內藥必合金丹外藥而後成功慶幸耳

儒生頂敬開明聰緇流頂敬豁癡聾羽人頂敬振昏聩音蒙莫將三聖分三公三教殊途妙自同養性存神萬里融見性定神萬法空玄門退步多英雄煉性調神合其宗

學真道之人無分三教只要敬重靈藥結爲靈丹則養性存神見性定神煉性調神三教皆合一宗也

道藏輯要

三丰全集

靈應真經

七

續畢集十

真經諷出韻琤瓊瓊琅琅相玲瓏漲墨消除寶燄熊世間當用赤紗籠可以傳之戒商工可以表之勉士農可以訓世而課童可以戶誦而龕供可以延吉而免凶可謂玉應而金春真經細玩垂簾權方知三聖身始終時雨化物生葱龍甘露洒天垂芙蓉九篇文勢擁河灘言言寶筏度人綱

真經比金液觸泥丸而有聲故曰韻琤瓊結成大丹則與佛家瓊瑤外丹琅玕玲瓏相映也漲墨除而寶燄熊喻如鉛乾汞添也靈丹入鼎百脈歸根環匝關防運符包裹卽如赤紗籠也眾生識此皆可入道參同云覆謬眾文傳世迷惑遂使宦者不仕農夫失耘商人棄貨志士家貧吾甚傷之祖師與

魏伯陽同慈悲也故爲重言可以以曉之人能細玩真經則
三聖之始終可知金丹之始終亦可知也孟子之時雨大士
之甘露文始之詞源皆如此金液大丹真乃度世寶斛

學儒學佛學仙踪不知三聖皆凡庸覆載林林與總總音怒願人
頂禮毋疎慵三聖之書如菽菘千門萬戶備殮喪三聖之道如
穹窿八方四極齊幘幘對經思聖宜肅雖靈臺勿始念憧憧靜
養天懷若稚神主人明月白臃臃時時刻刻戒輕鬆温温存存
加研功經堂四面煖雲烘一粒心花含紫茸入聖超凡由我儂
人不知三聖之功必皆墜落凡庸人不知金液之道必不能
成神仙願人對經思聖願人照經煉丹也煉丹之法先要淨

道藏輯要

三丰全集

靈應真經

三

續畢集十
X上X

掃靈臺勿使念擾合丹之後又要靜養嬰兒心如明月時時
刻刻温温存存此十月功夫也經堂喻丹田煖雲烘照悟真
云內有天然真火爐中赫赫長紅者也結成一粒心花則入
聖超凡由我做矣

莫忘君父違孝忠莫學冥頑逞禪鋒莫效旁門落空侗下墮泥
犁入鬼叢三聖在天日曛曛顯良佑善開陰濛真經傳出氣如
虹文光赫赫斗牛衝高捷長劍倚崆峒天仙靈聖號三丰

莫忘四句戒人立大本求大道也三聖在天明如皎日默爲
良民善士掃去災邪此亦如九還到手正陽立而諸陰散矣
經氣如虹光赫赫而射斗牛正如嬰兒出胎破頂衝霄的氣

象今日之長劍高提倚崆峒而說法者卽從大道得來位登無上三丰仙師也

後三教大聖靈通真經

後指丹成之後此三教義取同歸大聖卽大道靈通則變化無方真經者真聖也

一陽何祖開經偈

修經圓滿普度良緣香凝寶篆地湧金蓮大儒大佛大羅仙跨鳳登天又見三尊聖象巖

真經修圓滿是指大道已成也惟當普度良緣位證至無上耳此篇立意卽如此偈

道藏輯要

二丰全集

靈通真經

三

續畢集上

洞玄真人張玄玄懷抱真經與世宣於今又說三聖篇三篇九聖九陽全梓潼文帝七曲巔達摩初祖一莖蓮孚佑獨撐大願船派開南北道無邊三聖靈通普八埏修身苦行曾經年孝友仁慈功德完廣行三教心奉慈過江面壁志向堅道包三教神閑閑終南十試屹如山大哉三教公能肩人見無爲樂自然誰知有作在其先

祖師抱真常之道重與世宣又作第三篇以全九陽之數喻九還之成就也三位聖人皆證大道然皆自苦行修來悟真曰始於有作無人見及至無爲衆始知正此意也無爲喻面壁之事若云神通顯化則是聖人之慈悲却有爲於世也